

238
Zwey Schöne Geistliche
newe Lieder. Das erste/ Wir müssen alle
sterben/ Im thon/ Hilff Gott
das mir gelinge.

Das ander lied/ Last vns
den Herren loben. Im thon/ Herr
Christ der einig Gottes
Son/nc.



WIr müssen alle sterben / O Mensch
das recht bedencf / betracht deiner
Seel verderben / das sie nicht werd
gekrenct / Wenn sie von hinnen scheiden
muß / das sie dort nicht muß leiden / groß
pein vnd schwere buß.

Wie ist die zeit der Gnaden / Wer sie
heimsuchen wil / der wird der Sünd ent-
laden / Kompt er zum rechten zil / weil leib
vnd Seel vereinet ist / so mag er huld er-
langen / wol von Gott Jesu Christ.

Dein Sünd solt du ablegen / durch ein
herzliche reu / Vnd rechte Buß darne-
ben / Wann Gott der ist so treu / Wilen
sie fürbaß nimmer thon / So will er dir
dort geben / der seligkeit ein Bron.

Der Mensch sol nit verziehen / biß an
sein letztes endt / Das nicht von ihm thu-
flichen / die gnad Gottes behend / Von ju-
gent auff solst heben an / Got von hertzen
zu dienen / als wölstu heint dauon.

Aber die Welt thut stellen / nach Ehe
vnd grossen gut / so Kompt der Todt gar
schnelle / vnd nimpt ihn ihren mut / Ob
einer hett die ganze Welt / So mag es
ihn

ihn mit helffen / der Todt der nimpt kein Gelt.

Wann einer ist verscheyden / So thut man ihn so drat / Gar schnelligklich bes kleiden / Mit einer Leynen wach / darein man ihn denn kleyden thut / Dem Leib wirdt nicht meh: geben / Vnnd het ers Keyfers gut.

So thut man in begraben / in die Erden hinein / Die Würme den leib haben / offst kompt die Seel in pein / Die freunbt theilen das gut behend / offst mit greinern vnnd zancfen / dardurch Gott wirdt ges schendt.

Hastu darumb betrogen / dein Nechsten hie auff erdt / Das sein vnrecht entzogen / hast jms nicht wider kert / Ich fürcht du must drum leiden pein / O Christ das thu bedencfen / Wol inn dem hertzen dein.

Wir sollen allzeit leben / in der forcht Gottes zwar / Vnd Gott biten darneben / vnnd das er vns bewar / Verley vns sein Göttliche gnad / das wir nach seinem willen leben frü vnde spat.

Wann denn der Todt thut Kommen/
das wir bereitet sein/ Wann er vnns hin
wil nemen / auff Erdt groß vnde Klein/
Das er vns Kom̄ zu rechter stundt/ Dar
umb last vns Gott bitten/ auß vnfers her
zen grundt.

Das vns nicht vbereyle / Gottes zoren
behendt / Kom̄ vns zu rechter weyle / an
vnserm letzten endt/ wann vnfers lebens
nimer ist / die Seel vom Leib muß schey
den/ vñd hat nicht lenger frist.

Dann muß sie rechnung geben / Wol
vmb ein vnnütz wort/ vor Gott dem Her
ren eben / Jesus dem höchsten hort / hat
sie auff Erden recht gethan / So mag
sie wol fröleichen / Vor diesem Richter
stan.

Dann wirdt ihm frölich geben / Ein
guedigs vrtheil gut / Zu dem ewigen Les
ben/ das vns Gott durch sein Blut / auff
Erden hie erworben hat / Wehe dem der
es versaumet/ wol durch sein missethat.

Wir sollen auch gedenccken / Wol an
das Jüngst Gericht/ Wie der böß wirdt
versenetet / Wol inn der Hellen pflichte/
Der

der fromb empfecht die Seligkeit / vnnnd
wird sie ewig niessen / mit Gott die ewig
frewd.

Wann Gott herab wirdt kommen/
richten vber vns all / Die bösen vnnnd die
frommen / Zu Josaphat im Thal / Da
lest sich Gott denn sehen an / Wol auff
dem Regenbogen / mit sein fünff wun-
den schon.

Bey den wir hie fast schweren / vnnnd
bey sein Leyden groß / Das vns niemand
kan erwehren / treibens on vnterlaß / auff
Erden hie groß vnde klein / darumb vns
GOTT möcht straffen / mit ewiglicher
pein.

Wenn der Jüngst tag wird kōmen /
Das Gott das vrtheil felt / Vber die bö-
sen vnnnd frommen / vber all Außerwelt /
Gott spricht zu den Verdampften sein /
Geht hin wol zu der Hellen / da müst ihr
ewig sein.

Darnach spricht Gott mit schalle / zu
den frommen gleich / Kompt her ihr ges-
segneten alle / in meines Vatters Reich /
Entpfacht den lohn der Seligkeit / Der
A iij euch

euch von meinem Vatter / von anfang ist
bereit.

Gott wöll vns allen geben / die freu-
denreiche stund / Das es das ewig Leben /
vns allen werd bekundt / Darumb bittet
Gott alle zeit / das wir von jm entpfahen
die ewig seligkeit.

Das Liedt sey euch gesungen / das ihz
euch wol bedenckft / Das all böse vnd
fromen / werden vom tod getrenckft / nimt
vns allen das leben hin / lest kein auffers-
den bleiben / er fñrt ein strengen sin.

Ein ander Lied.

Last vns den Herren loben / Wie wir
denn schuldig sein / Im Himmel hoch
dort oben / sein Göttlich Krafft ers-
scheint / desgleichen hie auff Erden / des
selben innen werden / Wol aller Men-
schen Kind.

Dein Krafft beweist die Sonne / Mit
ihrem schönen liecht / Darzu der Mond
vnd sterne / die du hast zugericht / das sie
sind dienstbar zeichen / vnns Menschen

zu nutz reichen / mit Wirkung lauff vnd
schein.

Wind wärme Tau vnd regen / darzu
fruchtbare zeit / Ist dein Göttlicher Ses
gen / was wechsset vnd gedeit / Von grass
laub obs vnd fruchte / vnd aller Thier ge
zichte / sein den Menschen zu bereit.

Inn disem Jar wir sehen / die Krone
deiner güt / Des sich die hertzen frewen /
mit danckbarem gemüt / Hilff das wir
deiner gaben / vnd was wir von dir ha
ben / gebrauchen seligklich.

Mit stiller rhu im friede / vnd aller
Gottseligkeit / In deiner forcht mit liebe /
dem Nächstken sein bereit / Zu helfen vnd
zu rathen / mit Worten vnd mit thaten /
wie du es haben wilt.

Vor geitzen vnd vor gremen / vntrew
vnd falscher list / Vor vnzucht spiel vnd
schleimen / der Sünd du ein straffer bist /
behüt vns lieber Herre / zu lobe deinen eh
ren / durch Christum deinen Son / Amen.

Gedruckt zu Nürnberg / durch
Valentin Newber.



Faint, illegible text, possibly bleed-through from the reverse side of the page.

Vier

Lieder

unge Sa

Scenz

er Ma

das drit

an ein

Y

Zuch

